

MAAK SO JOU EIE PIZZABOKS-OOND

Trek voordeel uit die somerhitte en maak 'n heerlike lekkerny in jou eie sonoond. Volg dié maklike stappe, voeg sonlig by en jy kan koekies met 'n gesmelte vulsel (s'mores) maak sonder om elektrisiteit te gebruik

BENODIGDHEDE

Pizzaboks



Tinfoelie



Swart papier



Kleefplastiek



Liniaal



Gom



Kleeflint



Mes of skêr



Koekie of kraakbeskuitjie



Malvalekkers



Sjokolade



Koerante



Laastens: 'n warm sonskyn-dag!



DIE SON

SONSTRALE

KOERANTE

Om jou oond te isoleer sodat dit meer hitte behou, rol velle koerantpapier op en plak dit met kleeflint vas sodat dit 'n rand om die kookarea (swart papier) vorm. Die deksel moet kan toemaak sodat die hitte nie kan ontsnap nie.

KLEEFPLASTIEK

Dit verskaf isolering om die hitte binne te hou. Die plastiek moet deurskynend wees sodat die lig kan deurgaan.



HOE WARM RAAK DIT?

Jou sonoond kan amper 100 °C op 'n warm dag bereik en dit kan sowat 45-60 min. duur afhangend van hoe warm dit op die dag is. Die beste tyd om die oond op te stel is wanneer die son bo jou kop is.

(Gebruik die mes of skêr onder toesig van 'n volwassene.)

MAAK SO



1 Vra jou ouers om pizza vir aandete te koop en hou die boks.



2 Teken 'n vierkant op die deksel en sny drie kante los om 'n flap te vorm.



3 Smeer gom aan die binnekant van die flap en bedek met tinfoelie om 'n spieëlagtige effek te skep.



4 Plak swart papier aan die bodem van die boks vas.



TINFOELIE

Die foelie is weerkaatsend en konsentreer die son se strale in die boks af. Jy kan die hoek van die flap verstel om meer van die son se strale tot in die boks te probeer weerkaats.

SO WERK DIT

Sonoonde gebruik sonenergie – lig en hitte van die son – om kos te verhit. Die oond is ontwerp om meer hitte te absorbeer as wat dit vrystel.

Sonstrale tref die aarde teen 'n hoek.

Strale neem sowat 8 minute om die aarde te bereik.



Wanneer die sonlig deur die kleefplastiek skyn, verhit dit die lug wat in die boks vasgekeer is. Die swart papier absorbeer die hitte en die koerant sorg dat die hitte nie deur die kante van die deksel ontsnap nie. Dit smelt die sjokolade en malvalekkers sodat jy die twee koekies aan mekaar kan vasplak om lekkernye (s'mores) te vorm. Jy kan ook roosterbrood probeer maak deur 'n stuk gebotterde brood in die boks te sit of kaas bo-op tortillaskyfies smelt om nacho's te maak.

VEILIGHEIDSWENK: Vra 'n volwassene om jou met die eksperiment te help.

Stuur vir ons foto's van hoe jy jou pizzaboks-oond maak



Neem foto's of 'n video van hoe jy jou pizzaboks-oond bou en deel dit met ons deur @huisgenoot op Facebook, Instagram en Twitter te gebruik. Of stuur dit per e-pos na web@huisgenoot.com. Ons sien daarna uit om van jou te hoor!

HOEKOM SWART PAPIER?

Swart absorbeer al die lig wat dit tref en help sodoende die kos vinniger verhit.



Plak rolle koerantpapier met kleeflint binne vas.


5 Plak 'n dubbele laag kleefplastiek met kleeflint oor die opening wat jy in die deksel gesny het. Maak dit so lugdig moontlik.



Sit die koekies binne-in en maak die deksel toe.

Lekkerny

6 Plaas 'n laag koekies met malvalekkers en sjokolade op in die boks.



Hou die flap met 'n liniaal oop sodat die foelie die son se strale kan weerkaats.

7 Plaas die oond buite in direkte sonlig. Kyk elke paar minute hoe dit vorder.